

Die Wagnerei

»Krumm und grad - gibd auch ein Rad!«

Viele Berufe sin bei uns ausgschdorwe un doodezu gehääd die Wagnerei. Johhunnerdelang henn iwwer 90% vun de Bevölkerung in de Landwäddschafd gschaffd un henn vun ää geleebd. E Dorf wie Bäschdadd ohne Wagner, ohne Saddler un ohne Huf- un Wagenschmied hodd mäa sisch ganedd vohschdelle kenne. Ei, ohne die Leid wää die Weld unnergange. Diese Berufe ware »lebensnotwendig«, ohne diese Berufe wäre die Leid vehungerd!

Aan Wagnermeeschder henn mäa noch in Bäschdadd; de Vedder Johann Bauer, aus de Andreasschdrooß. Houchbetagd leebd ää im wohlvediende Ruheschdand, awwer soi Werkschdadd hodd noch all die Werkzeuge, die enn Wagner gebrauchd hodd. Im Joh 1938 hodd de Vedder Bauer in Darmschdadd die Meeschderprüfung mid Erfolsch abgeleggd un die Uffgab wa dess baue vunn emme Rungenwagen (Erntewagen - Leiterwagen - Heuwagen). Dess Meeschderschdigg hodd dann enn Bauer aus Riedrode gried.

Fünf Wagnereie hodds vam Grieg in Bäschdadd gewwe, dess ware: Bauer, Johann; Keilmann, Johann; Ofenloch, Heinrich; Wiegand, Adam; Wiegand, Georg. E haddes Brod henn die Wagner kadde un schnell reisch is kaaner worre. Dess Holz is direktd vum Forschdamd bezoue worre. Die Lagerung vum Holz, bis zur Verarbeitung, hodd däa Wagner selbschd vohgenomme. Als Lagerzeit hodd pro Zendimeeder 1 Joh gegolde. Waa enn Diel 10 Zendimeeder schdarg, hodd die Lagerung 5 Joh bedraa. Fünf Zendimeeder Drocknung vun owwe un fünf Zendimeeder Drocknung vun unne.

In de Werkschdadd sähje mäa neewe Hammer un Meißel: Zugmesser, Schnitzmesser, Hobel, Hobelbank, Raubank, Dechsel (Breitbeil, Krummhau), Bohrer, Ausreiber (konich), Handbeil (Schneide schräg zum Griff), Axt, Werkbank, Beil, Felgenzirkel (aus Holz), Handsäge, Fuchsschwanz.

Nedd jedes Holz hodd fa die Wagnerei ebbes gedauchd, Folschende Holzarte sin z. B. vewend worre, fa:


Die Felgen war es Buchenholz

Die Naben war es Eichenholz

Die Speichen war es Eichenholz

Der Langwid war aus Eschenholz.

Däa Wagner (Stellmacher) hodd also häagschdelld, neewe dem Rungenwache, denn Bordwa-



Links sehen wir einen Bordwagen und rechts einen Rungenwagen. Beide stehen an der »Alten Schmiede« von Joh. Hermann Massoth in der Peterstraße neben der Gaststätte »Rebstock«.

che un denn Handwache. Däa Handwache is dess guure alde Bäschdädder »Wäggel«, mit demm henn viele Bäschdädder Generatione die Ernte vum Lachgaade un vum Baamschdigg haamgfahre.

Die Bezeichnung vun de einzelne Teile vun sou emme »Erntewagen« wolle mäa doch feschdhalte. Hinne am Wache die zwaa Räder un außerdem in Houchdeitsch:

Der Achsenstock; Der Rungenstock - zusammengehalten von Tragrinnen; Die Wetter - ohne Öffnung für die Deichsel; Vorn die zwei Räder mit: Dem Achsenstock; Dem Schemelbrett das auf der Schemelbank ruht, zusammengehalten von Tragrinnen; Die Deichselarme - mit der Öffnung für die Deichsel; Der Schemelnagel ging durch die Achse; Die Leusenkette (Leuse = Sperrleiste); Widerlager - Stützfläche für aufliegende Bauteile; Wagenrunge - Seitenteil des Leiterwagens; Ackerwaage - Waagenhammer - Sprengradel - Wagenspinner - Wiesbaum - Heuwagenstange; Winder (Winnachs) - Teil des Wagenspinner; Langwid - Verbindung zwischen Achsenstock vorn und hinten; Winderlöffel - zum bewegen der »Winnachs«; Die Deichsel - »Dorschel«; Kummet - Zuggeschirr für Pferd und Rind; Siele - Riemen am Zuggeschirr; Sellscheid -?

Ja, die guud ald Sellscheid. Gleich bin isch wärglich nedd uff denn Name kumme. Dess heebd uff denn Schdamm, uff die Hääkunfd. Ää kennd sischer all den Ausdrugg: »Sterben in den Sielen

= im Amt«. Un was e »Scheit« Holz is, waab aa jeder Bäschdädder. Dess »Siengeschirr« - die »Sienscheite« is wohl die Sellscheid.

Doch zurigg zum Vedder Bauer un soine Erinnerung. Enn Unnerbau vumme Heiwache is fa ganze 250 Mark an die Agrarier abgange. E Handwäggel hodd rund 50 Mark gekoschd. Aa bei Reberaduure waa nix zu vediene: E Ersatz-Wacherad is fa ganze 18 Mark abgange! Die »Rolle« sin kumme - un aus waas mid de Wagnerei!

Zum Schluß ebbes fa uns all un besonders fa die »Azubis«, (Auszubildende)! Als däa Vedder Bauer mit 14 Joh in die Läh (Lehre) = (Ausbildung) kumme is, hodd ää Eicheschdamm vunn einer Länge vun rund 5 Meeder »Durschfauschde« misse. Wass is dess? Also, mid einer Handsäg hodd enn Eicheschdamm, middeme Doorschmesser vun 30 bis 40 Zendimeeder, de Längs noo doorschgsäagd wärre misse. Mid de Hand! Dess »Doorschgsfauschd« kimmd wohl doohäa, daß däa Lähling de ganze Daag, links un rechds die Fauschd an de Säg, den Schdamm mid de Fauschd - hodd doorschsäge misse. Owends im Bedd waare nadierlich die Händ un Fieß, ma-laad! Daß jeder die moderne Zeire zu schätze waab, winschd vun ganzem Häzze

Fjerr Haumes